



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ՈՐՈՇՈՒՄ**

14 փետրվարի 2018 թվականի №46Ա
ք.Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ 2017 ԹՎԱԿԱՆԻ ՄԱՅԻՍԻ 24-Ի №196Ա ՈՐՈՇՄԱՆ ՄԵՋ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Հիմք ընդունելով «Էներգետիկայի մասին» Հայաստանի Հանրապետության օրենքի 30-րդ հոդվածի 1-ին կետը, «Իրավական ակտերի մասին» Հայաստանի Հանրապետության օրենքի 70-րդ հոդվածի 1-ին մասը, Հայաստանի Հանրապետության հանրային ծառայությունները կարգավորող հանձնաժողովի 2013 թվականի նոյեմբերի 1-ի №374Ն որոշմամբ հաստատված՝ Էներգետիկայի բնագավառում գործունեության լիցենզավորման կարգը և հաշվի առնելով «Է Ա Գ» սահմանափակ պատասխանատվությամբ ընկերության 2018 թվականի փետրվարի 2-ի գրությունը՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Հայաստանի Հանրապետության հանրային ծառայությունները կարգավորող հանձնաժողովի 2017 թվականի մայիսի 24-ի «Է Ա Գ» սահմանափակ պատասխանատվությամբ ընկերությանը «Գրին Էներջի» արևային էլեկտրակայանում էլեկտրական էներգիայի (հզորության) արտադրության լիցենզիա տրամադրելու մասին» №196Ա՝

- 1) որոշման մեջ «մինչև 2018 թվականի մայիսի 24-ը» բառերը փոխարինել «մինչև 2018 թվականի փետրվարի 14-ը» բառերով.
- 2) որոշման 2-րդ կետով հաստատված՝ «Է Ա Գ» սահմանափակ պատասխանատվությամբ ընկերության «Գրին Էներջի» արևային էլեկտրակայանում էլեկտրական էներգիայի (հզորության) արտադրության ԼԷ №0604 լիցենզիայի պայմանների՝ ա. 5-րդ գլխի վերնագիրը շարադրել հետևյալ խմբագրությամբ՝
«5. ԱՐԵՎԱՅԻՆ ԷԼԵԿՏՐԱԿԱՅԱՆԻ ՀԶՈՐՈՒԹՅՈՒՆԸ».

բ. 6-րդ կետում «999,68» թիվը փոխարինել «999,0» թվով.

գ. 7-րդ կետը շարադրել հետևյալ խմբագրությամբ.

«7. «Գրին Էներջի» արևային էլեկտրակայանի տեղակայված հզորությունը 999,0 կՎտ է:».

դ. 8-րդ կետում «տեխնիկատնտեսական ցուցանիշների» բառերը փոխարինել «տեղակայված հզորության» բառերով:

2. «Հայբիզներանկ» փակ բաժնետիրական ընկերությանն ամբողջությամբ ազատել 2017 թվականի ապրիլի 28-ի №2457-02 գրությամբ ներկայացված երաշխիքի համաձայն Հայաստանի Հանրապետության հանրային ծառայությունները կարգավորող հանձնաժողովի առջև ստանձնած երաշխիքային պարտավորությունից:
3. Սույն որոշումն ուժի մեջ է մտնում ստորագրման պահից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՎԻՆԱԽԱԳԱԶ**



Ռ. ՆԱԶԱՐՅԱՆ

ք. Երևան
14 փետրվարի 2018թ.
ժամը 16⁰⁰